



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Svmma Diana**

**Diana, Antonino**

**Coloniae Agrippinae, 1656**

Sigillum Sacramentale An certis locutionibus frangatur

**urn:nbn:de:hbz:466:1-40647**

SIGILLVM SACRAMENTALE  
An certis locutionibus frangatur.

*Sigillum frangitur, si Sacerdos dicat, se audisse grave peccatum in monasterio, vel civitate.*

**D**ubium est de quibusdam modis loquendi generalibus, & remotis. † Et primò.

21. Frangeret sigillum Confessarius dicens, se audisse in tali Monasterio peccatum grave; etiamsi non nominet pœnitentem, ut ait Villalob. *l. 1. r. 9. diff. 73. numer. 5.* Et Hurt. *de pœnit. disp. 12. diff. 4.* idem docet de Confessario, qui infamaret civitatem alicujus generis peccati, quod ex sola Confessione novit, quando ipsi cives in particulari, etiam pœnitentes; aliquo modo afficerentur infamia: quod facile contingit, quando civitas non est ampla, & pœnitentes sunt aliquo modo suspecti. Et ratio est, quia tunc Confessio fit illis odiosa. Vide etiam Valsq. *in 3. p. t. 4. quæstion. 93. n. 4. dub. 3. p. 2. r. 15. resolut. 15. c. p. 5. r. 11. r. 35.*

*Aut si Superior Conven- tus dicat Provinciali, in ea domo facultatem in reservata sapius peti.*

22. Dubitat Turrianus *de pœnit. quæst. 11. art. 11. diff. 33. dub. 1.* an Superior localis, dicens Provinciali, vel Generali, in ea domo facultatem quo ad reservata sapius postulari, frangat sigillum. Et concludit injustè agere. Nam si id facit, et Provincialis habet aliquam notitiam in ordine ad gubernationem externam, est periculum ne ex illa notitia & ex aliis circumstantiis, vel cognoscat peccatum aliquod subditi, vel sinistra illius intentio. Si verò absque hoc sine id faciat, talis manifestatio est inutilis, & imprudens, contra bonam estimationem ejus communitatis. Ita ille, & bene quidem, *part. 5. r. 11. r. 45.*

*Item si Sacerdos dicat se audisse Confessionem alicujus ad ipsum secretò accedentis.*

23. † In particulari verò, si explicet pœnitentem, & dicat solum in genere se audisse peccata Petri, vel ejus Confessionem, regulariter non frangit sigillum †. Si tamen pœnitens in a secretò ei confessus esset, ut nollet id ab aliquo, v. g. à suo Confessario ordinario, sciri, ne ex hoc suspicetur sub-

esse peccatum aliquod grave, tunc per talem locutionem frangeret sigillum, si non sacramentale, saltem naturale cui illum pœnitens se obligavit, sive expressè asserens ne id alicui dicat, sive tacitè, secretò ad ipsum accedens. Ita ex Navarro Reginaldus *l. 1. lib. 5. c. 4. num. 54. p. 5. r. 11. res. 47.*

24. Frangeret quoque sigillum Coa-  
fessarius, si diceret: *Non absolvi, ver. gr. Paulum.* Nam quamvis multæ ad hunc honestæ causæ retardantes absolutionem absque defectu pœnitentis; ex tali tamen Confessarii dicto absque additione causæ honestæ, colligitur, absolutionem non esse datam, ex defectu dispositionis, vel quia habuit casum reservatum, & sic modo quodam confuso datur intelligi status pœnitentis. Ita Granado *in 3. part. contr. 7. tractat. 11. disp. 6. num. 2.* & alii contra Henriquez *lib. 6. cap. 2. num. 5.* Item dicendum est cum Fagundez *pr. 2. lib. 6. cap. 5. numer. 9* si Confessarius interrogatus, an Petrum absolvet, dicat: *non absolvi, quia propter superveniens impedimentum Confessionem finivis;* nam talis responsio statim offendit audientium aures, & malam opinionem de statu pœnitentis ingenerat, nisi alioqui probatæ, ac notæ virtutis esset, & conscientie. Advertit tamen Suarez *in 3. part. tract. 4. disput. 33. sect. 6.* sic interroganti responderi posse, *non absolvi, quia nondum perfecit Confessionem.* Sed in hoc adhibenda est magna cautela, ne detur occasio credendi, quod confessio sit longa propter peccata mortalia, vel extraordinaria venialia Granado *ibi supra.* Nota etiam hic, quod Confessarius dicens *peccatorem de peccatore publico, se non illum absoluisse, quia non videt pœnitentiam publicam de peccato, aut quia scandalo publico non satisfacit, frangit sigillum: quia non solum dat intelligere, quod non fecit pœnitentiam, non satisfacit, &c. quod est publicum; sed etiam quod confessus est illud peccatum sine vera pœnitentia, quod aliàs non constat, cum potuerit verè confiteri, cum proposito scilicet, & promissione,*

*Aut se non absoluisse Paulum, r. 9.*

*Aut publicum peccatorem.*





satisfaciendi, & postea non satisfacere. Solum ergo dicere posset: *Feci officium meum, sentio cum Ecclesia Catholica, quod impoenitentes absolvi non debeant.* Tarrer. tom. 4. disp. 6. q. 9. dub. 6. numer. 127. Ubi etiam contra Sa V. Confessor, asserit, nec dici posse, quod publicus peccator suum peccatum confessus sit. *part. 5. tit. 11. res. 42.*

*Aut Petrum confessum esse venialia.* 25. Si Confessarius diceret, Petrum venialia confessum esse, sigillum non frangeret: nam sine his non potest dari absolutio. Secus, ait Hurtadus *disput. 2. diff. 4.* si dicat, confessum esse plura venialia; nam hoc est occultum. Sicut etiam (ait Mald. *cap. 12*) si dicat, confessum esse venialia gravia. *part. 5. tract. 11. res. 49.*

*Et bonum erit, si Sacerdos, neque dicat, aliquem esse nimis scrupulosum.* 26. Frangere quoque sigillum, ait Granaudus *disp. 3. n. 7.* Confessarium, si diceret poenitentem suis minutissimis peccatis caput ejus obrundere: quia dicit aliquid ignominiosum poenitenti, ex quo ipse erubesceret: nam scrupuli proprie procedunt ex ignorantia. Sed revera nomen *scrupulosus*, communiter denotat hominem timoratum. Bene ergo faceret Confessarius, si ab his quoque locutionibus abstineret. Sed secus non frangit sigillum. Coninc. *de sacr. disp. 9. dub. 1. n. 11. p. 5. r. 11. res. 50.* & novissime. *p. 10. t. 12. res. 34.*

#### SIGILLUM SACRAMENTALE An aliquando aperire liceat.

*Sigillum non potest aperiri.* 27. IN nullo penitus casu sigillum sacramentale aperire licet invito poenitente. Non ad tuendam vitam propriam, nec ad bonum sive temporale sive spirituale totius mundi. Quod enim Confessarius vitam potius debeat amittere, docent contra Gabriel. *in 4. dist. 21.*

*Ad tuendam vitam.* *quest. 1. art. 4. DD.* quos citat, & sequitur Turr. *de poen. disp. 33. dub. 3.* & ratio est, quia reverentia debita sacramento præponderat omni bono, sive privato, sive publico. *part. 5. tract. 11. res. 1.* in fine, & 46.

28. Unde primò, si Sacerdos iter agens cum aliis, ab uno sociorum audierit in Confessione, sibi in ingressu sylvæ parati insidias, teneatur potius mori quam fugam ingrediendo, quam fuga, aut retrocessione Confessionem suspectam reddere. Idque etiam si esset in peccato mortali; nam deberet sibi providere de actu contritionis, & ingredi, alioqui socii irruerent in poenitentem, qui factum revelavit. Licet enim talis retrocessio de se non foret manifestativa sigilli, esset tamen manifestativa ex circumstantiis: supposito quòd nullo honesto titulo rem totam cooperire posset absque eo, quod Confessionis factæ suspicio oriri possit. *p. 5. t. 11. res. 46. §. Ex quibus.*

29. Secundò, si Sacerdos ex Confessione cognosceret, in vino, quod consecretare debet, immistum esse venenum, nec posset, aut sacrum omittere, aut vinum aliud petere sine suspitione relictæ Confessionis, teneatur tale vinum sumere, & Deo se commendare, etiam si esset in malo statu, & non posset confiteri. Sotus *in 4. distinct. 18. question. 4. art. 5.* quia fractio sigilli, etiam indirecta, est per se, & intrinsecè mala; unde nulla potest necessitate justificari. *ibid. §. Secundò.*

30. Quod si quis impiè Confessarium interroget subjuramento, & in Confessione peccatum aliquoties audierit, respondet Sotus *ibidem* non posse ne respondere, quia mentiri in nullo casu licet, sed debere objurgare interrogantem, quamvis judicem, quòd talia interroget. Ego verò existimo cum Grassio *lib. 1. cap. 23. num. 3.* posse jurare, se illud nescire, subintelligendo, *tantum homini subjectum.* Et si compellatur jurare, an audierit, idem jurare posse subintelligendo, *tantum purum hominem.* Et tandem si impius urgeat, an audierit ut Deus, jurare etiam posse, se non audisse, subintelligendo *ad modum causa principalis.* Et ratio est, quia cum his restrictionibus non jurat falsum, & amphibologia ex rationabili causa non est illicita, ut dictum est V.

*Jura-*